

anos Gilberto mortuo Rolandus Ucthredi filius paternam hæreditatem recuperavit, qui ex sorore Guilielmi de Morvill, Scotiæ Constabularii, Alanum Dominum Gallovidiæ, & Constabularium Scotiæ progenuit; Alanus è Margareta filia Davidis Comitis Huntingdoniæ primo-genita suscepit Deruolgildam uxorem Ioannis de Balliolo matremque Ioannis de Balliolo Regis Scotiæ, qui cum Roberto Brus de Regno Scotiæ contendit, & è priore, ut videatur, conjuge Helenam enuptam Rogero de

*Constabu-
larii Scotiæ.*

Quincy Anglo, Comiti Wintoniæ, qui inde Constabularius Scotiæ, ut etiam Guil. Ferrariis de Groby Rogeri illius è filia & altera hærede nepos. Sed citò sua hæreditate in Scotia exciderunt Angli, ut etiam dignitate Constabularii, quam Cominii Buchaniæ Comites, è filia etiam Rogeri Quincy prognati, sunt consequuti, donec ad Arrolliæ Comites fuisse translata. Titulus autem Dominorum Gallovidiæ Dowgla-
forum familiæ postea obvenit.

